

3. Plurimum ergo interfuit ut diserta de hoc etiam articulo edita confessione, suam & doctrinam tetra hac suspicione liberaret, & innocencie trophaeum contra Sycophantas statueret Ecclesias.

4. Proinde scurram impudentissimum agit Andreas Fabritius, dum veteratice scribit: Protestantes idem in hujus Articuli consignatione fecisse, quod periti piscatores factare consueverunt, qui solent piscibus massam aliquam ex rebus soporiferis & gratis objectare, quo citius inescari possint: Ita confessionis hujus nostrae Architectos, nunc ex scripturis, nunc ex symbolo capita quedam producere, à quibus sciant Catholicos non abhorrere, ut & in alijs ab eorum doctrina non abhorrere existimentur.

5. Ceterum hic etiam Articulus, licet minus & controversus, & satis liquidus, censoriam virgulam experiri necessum habuit, ea prototypi mutatione adornata. quæ, quippe præter causam acrationem justam omnem instituta, nihil aliud, quam Cornicum oculos confingere voluisse, videri potest.

6. Cavillandi sanè materiā inde mutuatus Fabritius noster, Confessores nostros turpi plane aspergine notat, scribēs: Et hic articul⁹ in Confessione

R 1 2

anni